

Z cyklu: felietónowé wiérztë – 15

Majewé jaja

Pierszi maja, pierszi maja
Zniosła kùra sztërë jaja...
Pierszé jaje je czerzwioné
Socjalistóm namienioné,

Co rozmieją robic w jajo
Cëzym rozpòrządywają...
Dadzą kòzdémù pò równo
Jaż z majątkù òstnie gówno

Tak dozerac bądą cebie,
Jaż ò sëchim zëc mdziesz chlebie...
Pierszi maja, pierszi maja
Zniosła kùra sztërë jaja...

Drëdzé jaje, głosné baro
Z daleka czëc je niezgarą
Je czerwóné, biòłé z górë
Kòl nie wcyg sã bądą klóccëc...

Wiedno jiny jaje kùlnie
Rządzą państwã tajné służbë
Niemc, žid, rusk, amerikónie
Kòzdi mò pò sztëczkù bróné...

Pierszi maja, pierszi maja
Zniosła kùra sztërë jaja...
Trzecé je biòło-mòdrawé
Tec marijné swiãto prawie

Òna pòmòże kòl Bòga
Sztrófã lzészã wëtargòwac...
A redotné, wdzãczné tónë
Na majewëch wëspiéwóné

Pò dwalatny klòtce z mùszu
Przeżegnanim są dlô ùszów...
Pierszi maja, pierszi maja
Zniosła kùra sztërë jaja...

Czôrno-żòłté jaje czwiòrté
Czësto kaszëbszczégò zortu
Sã narobia przë nim kùra
Jaż przëplesklé na ni pióra...

W jajù grif cos mòrsã dzobie
Nick, co to zrozmieje człowiek

Cos ò Remùsu, czëtanim
A po swòjémù gòdanim...

Leżą w gniôzdze jaja farwné
Kùra sã przë grilu bawi
Cësna przez dzén całi Bòzi -
Dłudzi wikeńd sã nôlezi!

Tómk Fópka, Chwaszczëno, 1 maja 2022 rokù, gòdz. 6.25 p.p.